



Page: 4

Reach: 50000

Country: BOSNIA AND HERZEGOVINA

Size: 116 cm2

1 / 1

Prvi izvještaj predat Tužilaštvu

SIPA završila provjere u NSBiH

Sumnje u aranžmane na Svjetsko prvenstvo u Brazilu

Državna agencija za istrage i zaštitu (SIPA) dostavila je Tužilaštvu BiH izvještaj koji se odnosi na izvršene provjere u vezi s poslovanjem Nogometnog saveza BiH, saznaje „Dnevni avaz“.

SIPA je provjere započela prije nekoliko mjeseci na zahtjev Tužilaštva BiH. Kristina Jozić, glasnogovornica SIPA-e, potvrdila nam je da je dostavljen jedan izvještaj, dok se na drugom još uvijek radi.

- Nakon niza preduzetih mjera i radnji, SIPA je 5. maja Tužilaštvu BiH dostavila izvještaj o preduzetim mjerama, radnjama i rezultatima - rekla nam je Jozić.



Nogometni savez BiH: Šta će istraga utvrditi

O detaljima provjera nije mogla govoriti, kazavši da je na Tužilaštvu odluka o tome šta će poduzeti dalje. Nezvanično saznajemo da su pripadnici SIPA-e u proteklom periodu saslušali desetine osoba, a da će odluku o eventualnim nezakonitostima donijeti nadležni tužilac koji je tražio da se ovaj slučaj i ispita.

Tužilaštvo BiH, podsjećamo, naredilo je SIPA-i da izuzme dokumentaciju koja se tiče aranžmana vezanim za putovanja igrača i dužnosnika Saveza na Svjetsko prvenstvo u Brazilu, ali i drugim poslovnim ugovorima zbog sumnje na finansijske malverzacije. **M. Aš.**